

KAMOS

Abraham Abraham idop beratos-ratos taon te dulau. Tuhan Allah nyuroh Abraham angkat ke menua te datunyok Tuhan Allah ke ya. Tuhan Allah bedanyi ke Abraham ente' ya ka' boleh keturon te mayoh, amat tangan nya' ya nise' anak. Nyau klama', pas Abraham umur seratos taon, Sara bini ya branak ke miyak laki. Anak ya nya' dabere' nama Isak. Isak to' apai Yakob puyang jagang dua blas suku te adai de bansa Israel. Abraham ma mah percaya' ke Tuhan Allah keba' nya' Abraham depadah urang apai urang te percaya'.

Al Maseh Mesias, Kristus Tuhan Allah udah bedanyi ke Raja Daod ente' siko' ari pureh ya ka' jong mrintah jadi Raja (2 Sam. 7:16). Al Maseh to' Raja te dedanyi ka' ngelepas aba' ka' nyelamat urang ari ukom dusa. Alam baasa Ibrani Al Maseh dasebot Mesias, alam baasa Yunani dasebot Kristus.

Anak Tuhan Allah Tuhan Allah ngutos Anak Ya ngau nyelamat ensia (Yoh. 3:16). Gelar Anak Tuhan Allah nya', gelar te dengau ngumai Isa. Isa to' jadi ensia bukai ari belaki bini, uleh Ya dekanong Maria ari kuasa Roh Kudus. Mlikat udah madah Ya Anak Tuhan Allah (Luk. 1:32-35). Urang te percaya' ke Isa dasebot ga' anak Tuhan Allah.

Antu de jaman Isa mayoh urang miker ente' urang mati jadi antu. Uga' urang te mati ente' ya percaya' ke Isa semengat ya lansong ke sruga diyau aba' Tuhan Allah, uleh ente' ya nadai percaya' ke Isa semengat ya ke neraka jaoh ari Tuhan Allah (Luk. 16:19-31; 23:43).

Ari Paskah sida' Yahudi to' deraya sida' ngau ngingat Tuhan Allah udah ngelepas puyang jagang sida' ari bansa Meser. Sebedau sida' angkat ari tanah Meser, sida' alah nyemeleh dumba, darah dumba nya' desamak de tiang pintu rumah sida'. Ngenap pintu te desamak darah nya', ngau tana isa' anak tuai sida' nadai dabunoh Tuhan Allah. Tuhan Allah nyuroh urang Israel ngeraya ari besai Paskah. Keba' nya' ngenap taon urang Israel nyemeleh dumba aba' makai kurban pesemah nya'.

Ari Sabat ente' nuna' prator agama Yahudi ari Sabat blaboh malam ari (tikop petang) jumat datai ke malam ari (tikop petang) sabtu. Alam kitab Kejadian, Tuhan Allah mulah dunia aba' kebala uga' utai, baro' ari ketujoh Ya blepa, keba' ari nya' dasebot Sabat. Ari nya' deangap ari suci, aba' kusus ngau nyemah Tuhan Allah. Alam sepuluh perintah, Tuhan Allah

ngerot urang bekreja ari Sabat. De jaman Isa adai mayoh prator tentang ari Sabat te tau' aba' te nitau' sida' pulah.

Brita Bayek ari Tuhan Allah brita tentang Isa aba' kati Tuhan Allah mrintah. Isa datai ke alam dunia to' ngemai' Pemrintah Tuhan Allah, Ya idop de dunia to', mati, aba' idop age'. Ngenap urang te pecaya' ke Isa aba' ngako' Ya ngau Raja, sida' daselamat aba' dusa sida' deampon.

Duet dinar nya' mata duet bansa Ruma, dapulah ari pirak, adai nama aba' gamar Kaisar. Sedinar to' sama aba' pemayoh upah urang kreja sari. Nilai sedinar sama aba' sedirham.

Dumba to' jelu te upa kameng. jelu to' penteng de alam budaya Yahudi, tau' depakai aba' gah debai' ngau kurban pesemah ke Tuhan Allah nuna' printah Tuhan Allah.

Dusa to' pemulah aba' pemiker te nyimpang ari kedeka' Tuhan Allah. Urang te dusa to', urang te nadai patoh aba' ngelaban kedeka' Tuhan Allah.

Elia to' nabi te idop mliya', Elia nadai mati, uleh ya deangkat Tuhan Allah idop-idop ke sruga. Nabi Elia deklala nema ya mayoh mulah utai te nyaroh ari Tuhan Allah, aba' ngansak uga' urang isa' setia ke Tuhan Allah. Kebala nabi te adai udah jaman nabi Elia madah ente' Tuhan Allah ka' ngutos nabi Elia ke alam dunia to' age' (Mal. 3:1-4, 4:5-6). Breta urang Israel meda' Yohanes Pemane' sida' miker ya nabi Elia te datai age' (Mrk. 6:14-15).

Ensia te datai ari Tuhan Allah Isa kedire' gah madah dire' Ya Ensia te datai ari Tuhan Allah. Istilah Ensia te datai ari Tuhan Allah adai alam kitab Daniel 7:13-14. Diya' depadah adai ensia te deangkat Tuhan Allah jadi Raja. Raja te deangkat nya' mrintah uga' bansa, aba' Ya ka' jong jadi Raja sida' Israel.

Galelia

1. Nama daerah de Israel te bong ke Utara.

2. Nama danau de Israel te dasebot danau Genasaret (Luk. 5:1) aba' dasebot ga' danau Tiberias (Yohanes. 6:1; 21:1).

Ganom to' ka' upa padi, ganom mayoh detamak de Israel ngau pemakai urang Israel, adai ga' detamak de menua bukai. Ganom dagileng jadi tepong, tepong nya' dapulah ngau ruti, nya' mah pemakai sida'. **Gemala Gembala** nya' urang te mere' dumba makai aba' ngireng dumba ya ke padang rumpot aba' ke ai'. Sida' nyaga dumba sida' ari urang te ka' encuri aba' nyaga ari kebala jelu te ka' makai kebala dumba sida'.

Gerasa to' salah sute' da entara sepuluh kuta (Dekapules) te letak 60 kilometer ari danau Galelia.

Gubernur to' urang te paleng tingge' mrintah de sute' wilayah, propinsi atau daerah.

Ibles, Kepala' bala Sitan nya' pemimpen te paleng tingge' de uga' sitan. Ya ngelaban Tuhan Allah aba' nesat urang isa' urang mulah dusa aba' ngerusak sida'. Ya nya' mah ga' ular te ngumok Hawa makai buah ari pon te ngau ngetau' te bayek aba' te jat (Kej. 3: 1-3).

Idop penoh damai *Damai sejahtera* to' mayoh reti, adai empat reti idop penoh damai:

1. Idop penoh damai nema Isa ngenamai ensia aba' Tuhan Allah (Luk. 2:14).
2. Idop penoh damai nema nise' age' pelaya', nyau bedamai aba' uga' urang (Luk. 10:6).
3. Idop penoh damai alam reti ati lantang aba' ati gaga (Luk. 7:50).
4. Salam biasa te depadah urang Israel ente' betemu aba' urang bukai.

Imam agama Yahudi de jaman Musa datai ke jaman raja Salomo urang ari pureh Haron te dapileh Tuhan Allah ngelayan de Kemah Suci. De jaman Isa sida' ngelayan de Rumah Kudus Tuhan Allah te adai de Yerosalem. Imam adai tiga tingkat: Imam Besai agama Yahudi, kebala kepala' imam, aba' kebala imam. Tugas imam to' ngemai' kurban pesemah ke Tuhan Allah, ngajar perintah Tuhan Allah, aba' bradua ke urang. Uga' imam agama Yahudi dapileh ari keturon Liwi, uleh nadai uga' urang Liwi jadi imam. De jaman Isa, Imam Besai agama Yahudi jadi pemimpen pengadél Agama Yahudi.

Imam Besai agama Yahudi to' Imam te paleng tingge' alam agama Yahudi. Sekale' setaon adai ari kusus ngau Imam Besai agama Yahudi to' tama' ke Teban te Ma Suci de alam Rumah Kudus Tuhan Allah. Imam Besai agama Yahudi ngemai' kurban pesemah ke Tuhan Allah ngau ngapos dusa ya kedire' aba' uga' urang Israel.

Jong idop aba' Tuhan Allah sengabot *Hidup yang kekal* idop ari Tuhan Allah, idop te nise' pemado' te kita empu kah secara rohani de sruga aba' de dunia to'. Urang te pecaya' jemah lah idop aba' Tuhan Allah sengabot, urang te nadai pecaya' jemah lah idop de neraka (Dan. 12:1-3). Rasol Paulos madah ke jemat te de Kurintos ente' tuboh kebala urang te pecaya'

ke Isa mati, uleh jemah lah Tuhan Allah ngemangket sida', tuboh sida' ka' brubah jadi "tuboh rohani" (1 Kor. 15:35-54).

Kaisar to' raja te mimpén pemerintah Ruma. Ya jadi pemimpén besai de uga' wilayah te de baroh kuasa Ruma, temasok Yudia aba' Galelia. Jalai Isa adai, urang te mrintah ngau Kaisar to' Agustus (31 SM – 4 M, peda' Luk. 2:1). Uдах ya, baro' Kaisar Tiberius (14-37 SM) mrintah jaman Yohanes Pemane' aba' Isa.

Kapernaom kuta te mayoh ikan adai de tebeng ai' utara danau Galelia, pengkal prajuret Ruma te ngawas urang te ngumpol pajak de wilayah nya'.

Kaseh alam kitab Perjanjian Baru kaseh alam baasa Yunani te gah dengau kaseh "agape", kaseh to' nadai nuntot balas. Bayek alam kitab Perjanjian Lama' bayek alam Perjanjian Baru, kaseh te dakedeka' Tuhan Allah ari kebala urang te daempu Ya, kaseh te peda', kaseh te ka' ngaseh uga' urang aba' munsoh sida'. Kaseh te upa nya' te udah de anya' Tuhan Allah alam Isa Al Maseh (Rm. 5: 8). Urang te pecaya' ke Isa alah nuna' apa te udah Isa pulah.

Kebala Kepala' imam to' kepala' imam te paleng penteng de baroh Imam Besai. Sida' dapileh Imam Besai, sida' mimpén kebala klumpok imam te betugas de Rumah Kudus Tuhan Allah. Sida' ga' anggota Pengadel Agama Yahudi.

Keledai to' jelu te upa kuda uleh met ge'. Keledai gah dengau sida' Yahudi ngemai' barang aba' gah datumpang urang.

Kisah empama Perumpamaan to' kisah te dengau ngajar. Kisah to' tentang pengidop ari-ari aba' kebala utai te gah dapeda'. Uleh maksot ari kisah to' ngau ngajar tentang Tuhan Allah, ensia aba' kebala utai te kebukai. Isa keran ngajar ngau kisah empama ngau Ya nyema' upa kati Tuhan Allah aba' kati cara idop urang te idop alam Pemerintah Ya.

Kitab Suci To' Pemadah Tuhan Allah te datules alam kebala Kitab. De jaman Isa, te demaksot ngau Kitab Suci nya' kebala Kitab te adai de Perjanjian Lama'. Te temasok alam Kitab nya' lima' Kitab te datules Musa (ukom Musa), kebala Kitab nabi, aba' te kebukai upa meda' Masmor aba' sejarah bansa Israel. Uga' nya' deangap suci aba' penoh kuasa nema uga' nya' ari Tuhan Allah.

Legion Legion to' nama salah sute' klumpok prajuret Ruma, pemayoh sida' sekitar 6,000 prajuret. Legion to' nama te dasebot uleh sitan te nyarong urang de Gerasa, sitan nya' madah piya' nema sitan te nyarong urang nya' uleh ke pemayoh.

Liwi urang ari suku Liwi. Sida' urang te ngageh kurban pesemah ke Tuhan Allah aba' mreseh Teban te Suci. Suku Liwi to' salah sute' suku ari dua blas suku te adai de Israel. Sida' dapileh Tuhan Allah ngau ngelayan Ya.

Manna to' ruti te daturon Tuhan Allah ari sruga. Tuhan Allah mere' ke sida' Israel ruti manna ngau pemakai sida' slama' sida' adai de tanah luah te baengerangan (Kel. 16:1-36). Ruti manna gah ga' dasebot 'ganom ari langet' (Mas.78:24) 'ruti Mlikat' (Mas. 78:25) aba' 'ruti ari langet' (Mas. 105:40).

Mesbah to' teban te jalai nunu kurban pesemah ke Tuhan Allah. Mesbah tau' dapulah ari kebala batu, besi, aba' tanah liat. De alam Rumah Kudus Tuhan Allah adai mesbah teban jalai nunu kemenyan. De laman Rumah Kudus nya' adai ga' mesbah te ngau nunu kurban pesemah ke Tuhan Allah.

Mlikat to' alam baasa Ibrani "utosan". Mlikat kreja ya ngelayan Tuhan Allah ngemai' aba' madah pesau ari Tuhan Allah. Mlikat madah pesau ari Tuhan Allah secara lansong (Bil. 22:22-35, Luk. 1:11-20, 26-38) atau ari mimpi (Mat. 1:20-22). Mlikat mulah apa te dakedeka' Tuhan Allah aba' ngewakel Tuhan Allah. Sida' ngelinong sida' Yahudi (Kel. 14:19, 23:23; Mas. 34:7, Dan. 6:22). Mlikat ngukom munsoh urang te pecaya' ke Tuhan Allah (Kel. 12:23, 29-30; Yes. 37:36, Mat. 13:49-50, Why. 14:14-20, 20:1-3).

Muji to' utai te depansot ari mulot ngau madah pemayek, pemanai, pemanci, pemagas, aba' pengawas. Muji to' ngau madah pemayek Tuhan Allah, urang, aba' kebala uga' utai.

Muret to' urang te nuna' guru aba' belajar ari apa te depadah aba' cara pengidop guru ya. Isa mileh dua blas urang ngau muret Ya, uleh adai ga' urang bukai te nrudi Ya. Uga' urang pecaya' dasebot ga' muret Isa, aba' sida' alah ngemai' uga' bansa isa' jadi muret Isa.

Musa to' idop beratos taon sebedau Isa. Ya mimpén bansa Israel jalai Tuhan Allah ngelepas sida' ari bansa Meser te nyajah sida'. Jalai sida' bejalai ari Meser datai ke tanah Kanaan te udah dedanyi, Tuhan Allah mere' ke Musa sepuluh printah aba' kebala printah Ya te kebukai. Musa nules kebala printah to' aba' ngajar ke sida' Israel. Printah Tuhan Allah nya' te adai de alam Kitab Suci ngator idop sida' Israel.

Nabi to' urang te dautos Tuhan Allah madah pesau Ya ke ensia. Cuntloh: Musa, Yesaya, Elia aba' Yohanes Pemané'.

Neraka nya' teban te dapulah Tuhan Allah ngau ngukom Ibles aba' urang te nuna' ya. Diya' urang ngasa pemedeuh te nise' pemado'. De neraka adai api te bediong aba' nitau' padam.

Nyemah to' utai te alah dapulah urang ngau tana ente' urang hormat ke te dasemah. Adai bermacam cara urang nyemah, adai nyungkon nyemah, adai nunu kurban ke te dapesemah, adai muji te dasemah.

Pane' Baptis nya' alam baasa Yunani daselam ke alam ai', decalop aba' debasok ngau ai'. Nya' ngau tana urang nudi kebala dusa aba' idop baru de alam Isa. Alam kitab Ruma, Paulos madah pane' to' kebarat urang te udah mati uleh idop age' secara rohani (Rm. 6:3-5).

Parisi to' klumpok agama Yahudi te dadinga aba' depanang sida' Yahudi. Sida' urang te patoh ke uga' printah Tuhan Allah te datules Musa aba' adat sida' Yahudi. Sida' lebeh menteng adat sida' Yahudi, nya' nyuroh sida' ngelaban Isa nema Ya nadai patoh ke adat nya'. **Pecaya'** to' bereti yakin bamat-amat ke kebala utai te deagam, pecaya' ke apa te bedau kala' dapeda'. Ente' beiman ke Tuhan Allah nya' bereti yakin apa te depadah Tuhan Allah aba' ka' nuna' te depadah Tuhan Allah nya'.

Pemrintah Tuhan Allah Kerajaan Allah kurang lebeh seribu taon sebedau pengadai Isa, Tuhan Allah udah nanyi ke raja Daod ente' Pemrintah ya nise' pemado' (2 Sam. 7:16). Uleh kurang lebeh empat ratos taon nyau udah raja Daod, sida' Yahudi gah dejajah bansa bukai. Pas jaman Isa sida' Yahudi ngante' Pemrintah Tuhan Allah te nise' pemado' nya'. Isa madah dire' ente' Ya Raja te dedanyi Tuhan Allah, Ya mah urang te nganya' Pemrintah nya'. Pemrintah te jako' Ya nadai sama aba' pemrintah te dapiker sida' Yahudi. Pemrintah Tuhan Allah adai alam ati urang te patoh aba' ngako' Isa ngau Raja. Pemrintah Tuhan Allah nyau adai de tengah kita, uleh jemah lah senta Isa datai ngau Raja, baro' utai nya' bamat-amat peda'.

Penageh pajak nya' sida' Yahudi te bekreja ngumpol duet pajak ke pemrintah Ruma. Pemrintah Ruma ngajeh urang te de baroh pemrintah ya ngumpol pajak de daerah te dejajah sida'. Sida' gah ngumpol lebeh ari te udah deatoh urang. Kebala sida' Yahudi te semengkau' jadi penageh pajak ma dekareh kebala keluarga aba' sama dire'. Sida' deangap ngelaban prator agama aba' bansa sida', sida' deangap urang te nadai patot nyemah Tuhan Allah.

Pengadel Agama Yahudi Mahkamah Agama nya' organisasi te paleng tinge' de agama Yahudi te bekuasa mutos ngukom atau ngelepas urang. Rumong sida' adai 70 urang. Sida' te temasok organisasi Pengadel Agama

Yahudi to', Imam besai, kebala kepala' imam agama Yahudi, kebala urang te ahli alam kitab te datules Musa, aba' kebala urang tuai bansa Yahudi.

Pengaseh to' prasa iboh ke pangan bukai te nyuroh urang ka' nalau kebala urang te pedeh aba' tusah. Pengaseh Tuhan Allah ke urang te dusa, nya' nyuroh Ya nalau aba' ngelepas ari munsoh aba' ari dusa.

Penyaket kulet kusta nya' penyaket te munoh kulet aba' nyangket uga' tuboh nyuroh kebala ise' tau' tangal ari tulang. Tegal kena' penyaket to' urang tau' mati. Ente' nuna' prator agama Yahudi, urang te kena' penyaket to' deangap kutor aba' ya alah dasemeh ari urang banyau. Nya' nyuroh ya nadai patot nyemah Tuhan Allah de Rumah Kudus Tuhan Allah aba' de rumah te jalai sida' Yahudi nyemah Tuhan Allah.

Pesemah to' kebala utai te ma bayek te udah deageh ka' dabere' ke Tuhan Allah. Kebala utai te dapesemah to', kebala kameng, sapi, dumba, burong, aba' asel pengerja sida'.

Platos gubernor Ruma te betugas mrintah de wilayah Yudia taon 26-36 M. Dua tiga iko' urang te nules sejarah bansa Yahudi abad te semaru, sida' nules ente' Platos to' pemimpen te ganas, pemimpen te nadai iboh ke Rumah Kudus Tuhan Allah, aba' pemimpen te nadai patoh ke agama Yahudi.

Prator Tuhan Allah te datules Musa/Prator Musa Hukum Taurat To' mah printah aba' prator te dabere' Tuhan Allah ke urang Israel. Prator to' te dabere' ke Musa, te datules alam lima' kitab: Kejadian, Keluaran, Imamah, Bilangan, aba' Ulangan. Prator te paleng deklala to' sepuluh printah te datules Musa (Kel. 20:1-17). Kebala prator Musa to' ngau ngator pengidop sida' Israel ari-ari, aba' kati sida' nyemah Tuhan Allah.

Raja Daod to' raja urang Israel beratos taon sebedau Isa. Raja Daod to' puyang jagang Isa. Tuhan Allah udah bedanyi ke ya ente' ari keturon ya ka' jadi raja nise' pemado'.

Raja Salomo to' anak ari raja Daod te jadi raja Israel, ya deklala urang kaya aba' ma panai alam Tuhan Allah.

Rasol nya' urang te boleh tugas kusos ari Isa madah brita bayek ari Tuhan Allah. Dua belas muret Isa aba' urang te madah brita bayek nya' ke kebala bansa gah dasebot rasol.

Roh Kudus to' Roh ari Tuhan Allah, pribadi ketiga ari Tuhan Allah. Roh Kudus dasebot ga' Roh Tuhan Allah (Kis. 16:7). Ya mimpen aba' nulong, aba' mere' kuasa ke kebala urang te pecaya' ke Tuhan Allah. Roh Kudus ngingat aba' ngerara urang te dusa isa' bebalek ke Tuhan Allah.

Rumah Kudus Tuhan Allah Bait Allah nya' gedong pusat jalai sida' Yahudi nyemah Tuhan Allah. Rumah nya' pro' adai sebuah aba' pro' adai de kuta Yerosalem. De alam Rumah Kudus Tuhan Allah to' adai dua ute' teban:

1. Teban te Ma Suci. Urang te tau' tama' alam Teban to' pro' Imam Besai agama Yahudi. Urang Yahudi pecaya' Tuhan Allah adai de alam Teban to'.

2. Teban Suci. Kebala imam ngewakel sida' Yahudi tama' ke Teban to'. De Teban to' kebala imam bradua nunu kemenyan aba' ngreja tugas te kebukai.

De Rumah Kudus Tuhan Allah adai empat laman:

1. Laman te teban jalai kebala imam.

2. Laman te teban jalai kebala sida' Yahudi te laki.

3. Laman te teban jalai kebala sida' Yahudi te ino'.

4. Laman te teban jalai kebala urang te ukai bansa Yahudi. Laman nomor (1) te paleng semak Rumah Kudus Tuhan Allah. Laman nomor (4) laman te paleng jaoh ari Rumah Kudus Tuhan Allah.

Rumah te jalai sida' Yahudi nyemah Tuhan Allah Rumah ibadat to' rumah te jalai sida' Yahudi nyemah Tuhan Allah aba' rumah to' mayoh de menua Israel. Rumah to' dengau bradua aba' nyemah Tuhan Allah. Rumah to' gah jalai urang belajar aba' ngajar kitab te datules Musa. Bukai ari nya' ga' rumah to' gah dengau ente' adai acara sunat, adai urang te kawen, aba' teban jalai urang sidang.

Saduki nya' klumpok agama Yahudi te bepengaroh aba' kaya. Urang Saduki nadai sepemiker aba' urang Parisi nema urang Saduki pro' ka' nuna' kitab te datules Musa aba' sida' ngai nrima' kebala prator te kebukai. Urang Saduki nadai pecaya' adai mlikat aba' urang te mati tau' idop.

Samaria /

Samaria/sida' Samaria Sida' Samaria diyau da entara wilayah Yudia aba' Galalia. Sida' Samaria gah kawin aba' urang ari bansa bukai nya' nyuroh sida' Yahudi areh amat ke sida'. Sida' Samaria patoh ke Printah Tuhan Allah te datules Musa aba' patoh ga' ke adat basa sida'. Cara sida' nyemah Tuhan Allah lain ari cara sida' Yahudi, keba' nya' nyuroh sida' Yahudi bemunsoh aba' sida' Samaria.

Selamat to' apa te udah dapulah Tuhan Allah ke ensia, Ya ngutos Isa mati nganti ensia te dusa aba' ensia tau' jong idop aba' Tuhan Allah. Aba' ngelepas ensia ari pemedeh, ari pemat, ari kuasa Ibles Kepala' bala sitan. **sida' Samaria** Sida' Samaria diyau da antara wilayah Yudia aba' Galalia. Sida' Samaria gah kawin aba' urang ari bansa bukai nya' nyuroh sida' Yahudi areh amat ke sida'. Sida' Samaria patoh ke Printah Tuhan Allah te datules Musa aba' patoh ga' ke adat basa sida'. Cara sida' nyemah Tuhan Allah lain ari cara sida' Yahudi, keba' nya' nyuroh sida' Yahudi bemunsoh aba' sida' Samaria.

Sitan to' Roh te jai'. Sitan nya' anak buah Kepala' bala sitan. Jaman Isa urang madah penyaket adai tegal kebala sitan.

Sruga to' teban te lampar bayek aba' nyamai te deageh Tuhan Allah ngau urang te nuna' jako' Ya aba' te pecaya' ke Ya. Sruga to' teban jalai Tuhan Allah diyau. Isa madah Tuhan Allah to' Apai Ya te de sruga (Mat. 6:1-9). Isa kedire' datai ari sruga (Yoh. 6:38-42) aba' udah pulai ken (Luk. 4:51). Jemah lah Ya ka' datai age' ari sruga (Luk. 21:27). **Suci** Tuhan Allah kudus, nya' bereti Ya nadai sama aba' kebala utai te dapulah Ya, aba' Ya bekuasa ke uga' utai te dapulah Ya. Aba' Ya bekuasa ga' de atau kebala roh aba' kebala te idop de sruga. Ya selareh kena' nise' dusa. Ente' ensia aba' kebala barang dasebot kudus, reti nya' urang atau barang nya' dapileh aba' dakenoh-noh ngau ngelayan Tuhan Allah. Barang te kudus nitau' dengau sebarang.

Suci Tuhan Allah kudus, nya' breti Ya nadai sama aba' kebala utai te dapulah Ya, aba' Ya bekuasa ke uga' utai te dapulah Ya. Aba' Ya bekuasa ga' de atau kebala roh aba' kebala te idop de sruga. Ya slareh kena' nise' dusa. Ente' ensia aba' kebala barang dasebot kudus, reti nya' urang atau barang nya' dapileh aba' dakenoh-noh ngau ngelayan Tuhan Allah. Barang te kudus nitau' dengau sebarang.

Sunat alam budaya Yahudi miyak laki te nyau umor lapan ari alah dasunat. Tuhan Allah mrintah isa' uga' miyak laki Israel alah dasunat ngau tana sida' empu Ya (Kej. 17:9-14). Sunat nya' muai kulet ujong pemalu urang laki (peler).

Sungai Yordan nya' sungai de tanah Israel. Mata ai' nya' ari buket Hermon, anyot mansang ke danau Galelia, terjon ke Laot Mati.

Tanah luah te baengkerangan Padang gurun to' daerah te rangkai aba' bebuket. Ai' aba' utai te tumoh diya' ma siket. Nise' urang te entap diyau diya', uleh kebala urang te gah de kisah alam Alkitab adai te udah idop

den setegal. Bansa Israel beputar anar diya' slama' 40 taon jalai sida' ka' mansang ke tanah te udah dedanyi Tuhan Allah ke sida'.

Ulon to' urang te bekreja jadi kuli ke urang bukai. Sida' bekreja ke urang te jalai sida' kreja nadai degajah nema sida' udah daempu urang te meli sida'. Sida' to' urang te kalah perang, urang te depaksa aba' urang misken.

Urang te ahli alam Prator Musa nya' klumpok agama Yahudi to' kreja sida' pro' nyalen kitab te datules Musa. De jaman Isa, adai tiga tugas te dakreja sida':

1. Nyalen kitab te datules Musa.
2. Ngajar kitab te datules Musa.
3. Mere' nasihat ke urang isa' nuna' prator Tuhan Allah te datules Musa alam idop sida' ngenap ari.

Urang te ngintu dumba/

Urang tuai bansa Yahudi kebala pemimpen Yahudi te ma depanang urang, sida' betugas mere' kebala nasihat ke sida' Yahudi, aba' apa te depadah sida' dadinga kebala sida' Yahudi.

Utai te nyaroh ari Tuhan Allah Mujizat utai te pro' tau' dapulah Tuhan Allah. Selama' Isa ngajar de dunia to' Ya mayoh mulah utai te nyaroh ari Tuhan Allah. Cuntuh: Ngidop urang te nyau mati, bejalai de atau ai', nyemoh urang te pedeh aba' mayoh age' cuntuh te kebukai.

Yerosalem to' ibu kuta sida' Yahudi blaboh ari jaman raja Daod. Bukai ari pusat pemrintah, kuta nya' ga' pusat te jalai sida' Yahudi nyemah Tuhan Allah. De jaman nya' adai Rumah Kudus Tuhan Allah te kusus teban ngau mere' pesemah aba' kurban ke Tuhan Allah.

Yohanes Pemane' to' anak Elisabet aba' Sakaria. Beratos-ratos taon sebedau ya adai, Tuhan Allah udah madah: Ente' Ya ka' ngutos siko' urang sebedau Al Maseh, ngau ngageh jalai ke Ya isa' urang nrima' Ya ngau Tuhan aba' Penyelamat sida' (Luk. 1:13-17; 57-56). Yohanes nya' mah te dautos.